



REPUBLIKA E SHQIPËRISË

ZYRA E INSPEKTORIT TË LARTË TË DREJTËSISË  
KOMITETI I EMËRIMIT DHE VLERËSIMIT TË INSPEKTORËVE

Nr. 1960/2 Prot.

Tiranë, më 11.10.2022

V E N D I M

Nr. 20/1 datë. 11.10.2022

**PËR VLERËSIMIN DHE PIKËZIMIN E KANDIDATURËS SË Z. ALBERT KAZIA NË VENDIN VAKANT PËR INSPEKTOR JO MAGJISTRAT, SHPALLUR NGA INSPEKTORI I LARTË I DREJTËSISË NË DATËN 30.09.2021.**

Komiteti i Emërimit dhe Vlerësimit të Inspektorëve i përbërë nga:

Z. Besnik Maho - Kryetar  
Znj. Joana Asimi – Anëtar  
Z. Julian Zonja - Anëtar

Asistuar nga Sekretariati teknik i përbërë nga:

Znj. Alma Zili  
Znj. Eljona Bylykbashi  
Znj. Jetmira Saraçi

Në mbledhjen e datës 10.10.2022, Komiteti i Emërimit dhe Vlerësimit të Inspektorëve mori në shqyrtim çështjen që i përket:

Kandidatit inspektor jomagjistrat

**Z. ALBERT KAZIA**

**OBJEKTI:**

**Vlerësimi dhe pikëzimi i kandidaturës së z. Albert Kazia në vendin vakant për Inspektor jomagjistrat, të shpallur nga Inspektori i Lartë i Drejtësisë në datën 30.09.2021.**



## KOMITETI PASI :

U njoh me aktet si edhe bisedoi çështjen në tërësi,

### VËREN:

#### I. Rrethanat e çështjes

1. Inspektori i Lartë i Drejtësisë, në mbështetje të nenit 209 dhe nenit 211, pika 2, të ligjit nr. 115/2016 "Për organet e qeverisjes së sistemit të drejtësisë", të ndryshuar, pikës 3 dhe 77, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësisë të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", urdhrin nr. 7, datë 04.03.2020, të Inspektorit të Lartë të Drejtësisë, "Për miratimin e Rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë", me njoftimin e datës 30.09.2021, në faqen zyrtare ka shpallur procedurën për 9 vende vakante për pozicionin e inspektorit jomagjistrat. Shpallja ka qenë e hapur për 30 ditë, periudhë gjatë së cilës do të administrohet kërkesa e të interesuarve, bashkë me dokumentacionin e renditur në shpallje.
2. Në përfundim të afatit të shpalljes, me urdhrin nr. 142, datë 29.10.2021 "Për fillimin e procedurës së përzgjedhjes së kandidatëve jomagjistratë për pozicionin e Inspektorit pranë Zyrës së Inspektorit të Lartë të Drejtësisë", të ndryshuar, Inspektori i Lartë i Drejtësisë ka ngritur Komitetin e Emërimit dhe Vlerësimit të Inspektorëve, si organi që do të zhvillojë procedurat përzgjedhëse për plotësimin e vendeve të shpallura.
3. Komiteti i Emërimit dhe Vlerësimit të Inspektorëve, në përfundim të afatit për paraqitjen e aplikimeve për shprehje interesi për kandidim datë 29.10.2021, zhvilloi mbledhjen e parë më datë 08.11.2021, ku vendosi për radhën e shqyrtimit të dosjes që i përket çdo kandidati dhe fillimin e procedurave/zhvillimin e procedurave të verifikimit, vlerësimit, pikëzimit dhe renditjes së kandidatëve që kanë shprehur interes për vendin vakant për Inspektor jomagjistrat pranë Zyrës së Inspektorit të Lartë të Drejtësisë duke njoftuar në faqen zyrtare në rubrikën "Njoftime"; "Rekrutim Inspektorë Jo-Magjistratë" listën e personave të interesuar për vendin vakant dhe fillimin e shqyrtimit të aplikimeve të kandidatëve të shoqëruara me dokumentet e paraqitura prej tyre për përmbushjen e kushteve dhe kriterëve ligjore të përcaktuara në nenin 209 dhe nenin 211, pika 2 të ligjit nr. 115/2016 "Për organet e qeverisjes së sistemit të drejtësisë", i ndryshuar dhe të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësisë të



kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit”.

4. Në zbatim të nenit 209 e vijues të ligjit nr. 115/2016 “Për organet e qeverisjes së sistemit të drejtësisë”, të ndryshuar, të pikës 27, të vendimit nr. 536, datë 25.07.2019, të Këshillit të Ministrave “Për krijimin e kushteve për Inspektorin e Lartë të Drejtësisë për verifikimin e plotësisë të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit”, urdhrin nr. 7, datë 04.03.2020, të Inspektorit të Lartë të Drejtësisë, “Për miratimin e rregullores “Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë, Komiteti i Emërimeve dhe Vlerësimit të Inspektorëve, pasi zhvilloi procedurat e verifikimit të përmbushjes së kushteve dhe kriterëve ligjore për pozicionin e inspektorit, në mbledhjen e datës 07.07.2022, vendosi lejimin e kandidimit për pozicionin e inspektorit jomagjistrat për Z. Albert Kazia dhe me komunikimin e datës 14.09.2022, njoftoi kandidatët për fillimin e procedurave të verifikimit, vlerësimit, pikëzimit dhe renditjes të kandidatëve.
5. Komiteti i Emërimit dhe Vlerësimit të Inspektorëve me vendimin nr.20, datë 07.07.2022 ka vendosur lejimin e kandidimit të kandidatit Albert Kazia për Inspektor në Zyrën e Inspektorit të Lartë të Drejtësisë. Për rrjedhojë, në bazë të nenit 209 e vijues të ligjit nr. 115/2016 “Për organet e qeverisjes së sistemit të drejtësisë”, të ndryshuar të vendimit nr. 536, datë 25.07.2019, të Këshillit të Ministrave “Për krijimin e kushteve për Inspektorin e Lartë të Drejtësisë për verifikimin e plotësisë të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit”, urdhrin nr. 7, datë 04.03.2020, të Inspektorit të Lartë të Drejtësisë, “Për miratimin e rregullores “Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë”, Komiteti i Emërimit dhe Vlerësimit të Inspektorëve, duke u bazuar në aktet që janë dorëzuar nga kandidati në momentin e kandidimit dhe gjatë fazës përgatitore të procedurës së vlerësimit, hartoi relacionin e vlerësimit të këtij kandidati.
6. Sipas kalendarit të intervistave të miratuar, në 21.09.2022 dhe 22.09.2022, ka zhvilluar procedurën e intervistës me kandidatët e lejuar, mbi motivimin e kandidimit, për 9 (nëntë) vendet vakante.
7. Intervista mbi motivimin e kandidimit, z. Albert Kazia, kandidati për të 9 (nëntë) vendet vakante në Zyrën e Inspektorit të Lartë të Drejtësisë, u zhvillua në datën 21.09.2022.



## II. Vlerësimi i Komitetit

8. Në përfundim të intervistës, bazuar në të dhënat e nxjerra nga biseda mbi motivimin e kandidimit, si edhe bazuar në aktet dhe dokumentet që janë dorëzuar nga kandidati në momentin e paraqitjes së kërkesës për kandidim, dokumente të paraqitura prej tij sipas kërkesave të Komitetit, si edhe shkresa dhe të dhëna të tjera kërkuara apo të ardhura zyrtarisht nga institucione të ndryshme, Komiteti ka vënë në bisedim vlerësimin dhe pikëzimin e kandidatit Albert Kazia për secilin nga kriteret e vlerësimit të përcaktuara në shpjegimet e hollësishme të metodologjisë mbi të cilën bazohet vlerësimi dhe pikëzimi, miratuar nga Inspektori i Lartë i Drejtësisë me urdhrin nr. 7, datë 04.03.2020, "Për miratimin e rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë", përkatësisht:

### 1. Meritat profesionale - (50) pikë

#### A. Historiku Arsimor dhe Profesional - (10) pikë

Sipas jetëshkrimit dhe dokumentacionit të administruar në procedurën e verifikimit të kandidaturës dhe në kuadër të veprimeve përgatitore të procedurës së vlerësimit, rezulton që kandidati Albert Kazia, disponon këto të dhëna:

- Jurist, Bashkia Bulqizë, për periudhën 01 Janar 1997 – 16 Shkurt 1998;
- Inspektor ligjor, prefektura e Dibrës, për periudhën 16 Shkurt 1998 - 15 Shtator 2001;
- Inspektor kontrolli (Jurist), Prefektura e Qarkut Dibër, për periudhën 16 Shtator 2001 – 16 Qershor 2002;
- Kryetar i KKK Pronave ish pronarëve, Prefektura e Qarkut Dibër, për periudhën 17 Qershor 2002 – 30 Prill 2003;
- Inspektor Kontrolli në Drejtorinë e Kontrollit, Prefekti i Qarkut Dibër, për periudhën 01 Maj 2003 – 15 Maj 2004;
- Kancelar, Gjykata e Rrethit Gjyqësor Dibër, për periudhën 16 Maj 2004 - 17 Maj 2010;
- Inspektor - Jurist Seksioni i Policisë Pyjore, Drejtoria e Shërbimit Pyjor Dibër, për periudhën 07 Qershor 2010 – 05 Mars 2014;
- Kancelar, Gjykata e Rrethit Gjyqësor Dibër, për periudhën 06 Mars 2014 deri në ditën e paraqitjes së aplikimit.

#### a) Historiku Arsimor - (2) pikë

9. Referuar shtojcës nr.2, të urdhrin nr. 7, datë 04.03.2020, të Inspektorit të Lartë të Drejtësisë, "Për miratimin e rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të



Drejtësisë”, përcaktohet si kriter vlerësimi edhe ecuria gjatë kryerjes së arsimit të lartë **juridik** me një notë mesatare jo më pak se 8 ose të barasvlershëm me të, ndërkohë që edhe shkronja “c” e pikës 1 të nenit 240 të ligjit nr. 115/2016 kërkon të vlerësohen rezultatet gjatë studimeve në ciklet e arsimit të lartë.

10. Sipas jetëshkrimit dhe dokumentacionit të administruar në procedurën e verifikimit të kandidaturës dhe në kuadër të veprimeve përgatitore të procedurës së vlerësimit, rezultojnë që kandidati **Albert Kazia**;

- Ka përfunduar Fakultetin e Drejtësisë në Universitetin e Tiranës në periudhën 1996, duke u diplomuar “*Jurist*”. Sipas certifikatës së notave të lëshuar nga Fakulteti i Drejtësisë, Universiteti i Tiranës, rezultojnë se ka përfunduar studimet universitare me notë mesatare 8.4.

11. Prandaj, Komiteti vlerëson me pikë ecurinë gjatë kryerjes së arsimit të lartë me një notë mesatare jo më pak se 8 ose të barasvlershëm me të, secilin kandidat sipas përshkallëzimit me 1 pikë të notës mesatare mbi 8 dhe me 2 pikë të notës mesatare mbi 9, sikurse orientohet në Metodologjinë për vlerësimin dhe caktimin e pikëve për renditjen e kandidatëve.

12. Për këto arsye, për kriterin e vlerësimit “historiku arsimor”, nisur nga nota mesatare 8.4, e arritur gjatë studimeve dhe diplomimit në Fakultetin e Drejtësisë të Universitetit të Tiranës, Komitetit çmoi ta vlerësojë kandidatin **Albert Kazia** me **1(një) pikë**.

#### **b. Kualifikime Pasuniversitare - (5 pikë)**

##### **b.1 Studimet pasuniversitare - (1/5) pikë**

13. Referuar shtojcës nr. 2, të urdhrit nr. 7, datë 04.03.2020, të Inspektorit të Lartë të Drejtësisë, “Për miratimin e rregullores “Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë”, përcaktohet si kriter vlerësimi edhe mbajtja e titujve akademikë, gradave shkencore, ecuria dhe kryerja kualifikimeve pasuniversitare, studimeve dhe specializimeve afatgjata (përfshirë Shkollën e Magjistraturës), si edhe kryerja e trajnimeve afatgjata dhe afatshkurtra në fushën e të drejtave kushtetuese, të drejtave të njeriut, si edhe në fusha të tjera të së drejtës.

14. Sipas jetëshkrimit dhe dokumentacionit të administruar në procedurën e verifikimit të kandidaturës dhe në kuadër të veprimeve përgatitore të procedurës së vlerësimit, nuk rezultojnë që kandidati **Albert Kazia** të ketë ndjekur studime pasuniversitare brenda ose jashtë vendit (MND, Master profesional/Ekzekutiv, programet e studimeve të formimit të vazhduar etj, të



barazvlershëm me to, në bazë të ligjit nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”).

15. Për këto arsye, për kriterin e vlerësimit “**Kualifikime Pasuniversitare**”, që lidhet me studimet pasuniversitare, Komiteti çmon ta vlerësojë kandidatin z. Albert Kazia me 0 (zero) pikë.

### **b.2 Gradat shkencore - (3/5) pikë**

16. Referuar shtojcës nr.2, të urdhrit nr. 7, datë 04.03.2020, të Inspektorit të Lartë të Drejtësisë, “Për miratimin e rregullores “Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë”, përcaktohet si kriter vlerësimi edhe mbajtja e titujve akademikë, gradave shkencore, ecuria dhe kryerja kualifikimeve pasuniversitare, studimeve dhe specializimeve afatgjata (përfshirë Shkollën e Magjistraturës), si edhe kryerja e trajnimeve afatgjata dhe afatshkurtra në fushën e të drejtave kushtetuese, të drejtave të njeriut, si edhe në fusha të tjera të së drejtës.
17. Prandaj, në zbatim të ligjit, Komiteti vlerëson me pikë llojin e titujve akademikë dhe gradave shkencore, llojin, kohëzgjatjen, fushën dhe vendin e kryerjes së kualifikimeve pasuniversitare, studimeve, specializimeve dhe trajnimeve të kandidatëve, duke pasur parasysh shpërndarjen e pikëve, si edhe orientimet që përmbahen në metodologjinë për vlerësimin dhe caktimin e pikëve për renditjen e kandidatëve për inspektor jomagjistrat.
18. Sipas jetëshkrimit dhe dokumentacionit të administruar në procedurën e verifikimit të kandidaturës dhe në kuadër të veprimeve përgatitore të procedurës së vlerësimit, nuk rezulton që kandidati Albert Kazia të ketë fituar brenda ose jashtë vendit grada shkencore në bazë të nenit 60-61 dhe 79 të ligjit nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, (Dr, Phd, Prof apo Pro/asoc, Magjistraturë, etj).
19. Për këto arsye, për kriterin e vlerësimit “**Kualifikime Pasuniversitare**”, që lidhet me gradat dhe kërkimin shkencor, Komiteti çmon ta vlerësojë kandidatin z. Albert Kazia me 0 (zero) pikë.

### **b.3. Lista dhe lloji i trajnimeve - (1/5) pikë**

20. Sipas jetëshkrimit dhe dokumentacionit të administruar në procedurën e verifikimit të kandidaturës dhe në kuadër të veprimeve përgatitore të procedurës së vlerësimit, rezulton që



kandidati Albert Kazia ka ndjekur disa veprimtari trajnimi afatshkurtra të dokumentuara, konkretisht:

- **Periudha: 06 qershor - 26 korrik 2019**

Tematika dhe fusha e trajnimit të fituar: “Programi për administrimin e Gjykatës (PAGJ)”...etj.

Emri i institucionit : Shkolla e Magjistraturës Tiranë, (në bashkëpunim edhe me: Këshillin e Lartë Gjyqësor Tiranë dhe USAID-in)

- **Periudha: 06 dhjetor-07 dhjetor 2018**

Tematika dhe fusha e trajnimit të fituar: “Trajtimet e reja ligjore për çështjet e pagave dhe shpërblimeve të tjera financiare për magjistratët”....etj.

Emri dhe lloji i institucionit arsimor: Zyra e Administrimit të Buxhetit Gjyqësor në bashkëpunim me projektin “Just for all” të USAID-it. (ky trajnim rezultoi në pasqyruar në të dhënat që ka plotësuar kandidati në CV për inspektor jomagjistrat, ndërkohë që mungoi të dorëzuar fizikisht në dosjen e aplikimit)

- **Periudha: 22 shkurt – 23 shkurt 2018**

Tematika dhe fusha e trajnimit të fituar: “Mbi statistikën gjyqësore dhe menaxhimin e kohës gjyqësore”.

Emri dhe lloji i institucionit arsimor: Shkolla e Magjistraturës Tiranë (në bashkëpunim me Këshillin e Evropës).

- **Periudha: 23 mars 2016**

Tematika dhe fusha e trajnimit të fituar: “Etika dhe komunikimi në seancat gjyqësore dhe sjellja me palët. Solemniteti i gjykimit dhe marrja e masave për përgatitjen e seancës gjyqësore”.

Emri dhe lloji i institucionit arsimor: Shkolla e Magjistraturës Tiranë (në bashkëpunim me Ministrinë e Drejtësisë, Qendra Europiane, Konrad Adenauer Stiftung).

- **Periudha: 12 mars – 13 mars 2008**

Tematika dhe fusha e trajnimit të fituar: “Parandalimi dhe lufta kundër korrupsionit”

Emri dhe lloji i institucionit arsimor: Shkolla e Magjistraturës Tiranë (në bashkëpunim me Këshillin e Evropës)

- **Periudha: 31 janar – 01 shkurt 2008**

Tematika dhe fusha e trajnimit të fituar : “Trajnim për Kancelarët dhe Oficerët e Buxhetit të Gjykatave”.

Emri dhe lloji i institucionit arsimor : Shkolla e Magjistraturës Tiranë (në bashkëpunim me Këshillin e Evropës).

- **Periudha: 07 nëntor – 08 nëntor 2007**

Tematika dhe fusha e trajnimit të fituar: “Pritja dhe marrëdhëniet me publikun”.

Emri dhe lloji i institucionit arsimor : Shkolla e Magjistraturës Tiranë (në bashkëpunim me Këshillin e Evropës).



- **Periudha: 04 nëntor - 05 nëntor 2004**

Tematika dhe fusha e trajnimit të fituar: "Menaxhimi i shërbimit gjyqësor. Kooperimi dhe integrimi ndërmjet aktivitetit të magistratëve dhe shërbimeve administrative të Gjykatës".  
Emri dhe lloji i institucionit arsimor: Shkolla e Magistraturës Tiranë.

21. Duke pasur parasysh numrin, llojin, kohëzgjatjen dhe tematikat e veprimtarive trajnuese të ndjekura nga kandidati **Albert Kazia**, për këtë kriter ligjor vlerësimi Komiteti çmoi ta vlerësojë me **1 (një) pikë**.

**c. Njohja e gjuhëve të huaja - (3) pikë**

22. Nga aktet që ndodhen në dosjen e kandidimit rezulton se kandidati ka vetëdeklaruar në jetëshkrim se nuk njih asnjë gjuhë të huaj.
23. Për këto arsye, duke pasur parasysh dokumentacionin e administruar, Komiteti çmoi ta vlerësojë kandidatin Albert Kazia për këtë kriter ligjor me **0 (zero) pikë**.

**B. Kualifikimi i Përgjithshëm Profesional - (30) pikë**

24. Referuar shtojcës nr.2, të urdhrit nr. 7, datë 04.03.2020, të Inspektorit të Lartë të Drejtësisë, "Për miratimin e rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë", përcaktohet si kriter vlerësimi edhe kualifikimi i **përgjithshëm profesional**, përcaktohen si kriteret vlerësimi, në bazë të treguesve shkencorë, performanca e dalluar dhe rezultatet e larta në ushtrimin e profesionit, që mbështetet ndërmjet të tjerave në botimet dhe artikujt shkencorë në fushën juridike, në produktet profesionale sipas profileve të ushtrimit të profesionit, rezultatet e vlerësimit profesional dhe të etikës të kandidatëve në punët që kanë bërë në të shkuarën, nëse ka, ose rezultatet e dallueshme të arritura gjatë përvojave të tyre të punës e që lidhen me ushtrimin e funksioneve në fushën përkatëse.
25. Prandaj, në zbatim të ligjit, Komiteti i Emërimit dhe Vlerësimit të Inspektorëve vlerëson me pikë si sasinë ashtu edhe cilësinë e rezultateve profesionale, me një fokus të veçantë tek cilësia. Në këtë mënyrë, bazuar në të dhënat e mundshme të disponueshme për vlerësim, mbahen parasysh sasia e pikëve maksimale **prej 30 pikësh** sipas urdhrit nr. 7 referuar si më sipër, të Inspektorit të Lartë të Drejtësisë, si edhe orientimet për caktimin e mundshëm të **një maksimumi prej 25 pikësh për sa i përket vlerësimit cilësor dhe të një maksimum prej 5 pikësh për vlerësimin e sasisë së rezultateve profesionale sipas Metodologjisë për vlerësimin** dhe caktimin e pikëve për renditjen e kandidatëve për Inspektor jomagjistrat.





26. Në rastin e kandidatit Albert Kazia, Komiteti shqyrtoi dokumente profesionale dhe të dhënat që mund të disponoheshin nga veprimtaria e tij profesionale ndër vite, si edhe nga kontributet e tjera profesionale të këtij kandidati në veprimtari të ndryshme, përfshirë publikime apo punime e artikuj shkencorë.

**a. Vlerësimi sasior - (5) pikë**

27. Për sa i përket **vlerësimit sasior**, krahas të dhënave që rezultojnë nga jetëshkrimi, rezulton se në dosjen e kandidimit është paraqitur dokumentacioni i mëposhtëm që ka të bëjë me aktivitetin profesional, kërkimin shkencor dhe publikimet nga ana e kandidatit z. Albert Kazia,

- Shpjegime me shkrim datë 17.07.2018 që i përket procesit gjyqësor me palë kërkues: Gjykata e Rrethit Gjyqësor Dibër, Person i Tretë: P.XH , me objekt: Shtyrje të aftit të ekzekutimit të detyrimit, lidhur me titullin ekzekutiv vendimi civil i formës të prerë nr. 2552, datë 12.05.2015 të Gjykatës Administrative të Shkallës të Parë Tiranë, përgatitur nga kandidati në pozicionin e kancelarit pranë Gjykata e Rrethit Gjyqësor Dibër (12 faqe);
- Kërkesë e Gjykatës së Rrethit Gjyqësor Dibër nr. 324/2, datë 18.09.2020 me objekt: Marrje mase të menjëhershme për vërtetimin e njohjes, njehsimit të diplomës nga Ministria e Arsimit dhe Shkencës, si dhe ndërprerje të pagesës për vlerën e pagës të diplomës (2 faqe);
- Vendim nr. 3, datë 05.10.2020, i Zyrës së Kancelarit të Gjykatës së Rrethit Gjyqësor Dibër "Për caktim punonjësi përgjegjës, që do të merret me përditësimin e dokumentacionit të punonjësve në detyrë, që do të jepet statusi i nëpunësit civil gjyqësor" (2 faqe);
- Kthim përgjigje nr. 390/1 prot., datë 09.12.2020, drejtuar Këshillit të Lartë Gjyqësor lidhur me vlerësimin e hollësishëm të kushteve të sigurisë në gjykata dhe parashtrimin të nevojave të tyre 5 faqe);
- Relacion shpjegues, përshpejtimin e procedurave për mënyrën kalimit të kapitalit dhe regjistrimit të një pjesë të ambienteve të Arkivit Vendor Shtetëror të Qarkut Dibër nga ky i fundit në pronësi të Gjykatës të Rrethit Gjyqësor Dibër (shkresa nr. 417/1 prot., datë 28.12.2020, shkresa nr. 58/1 prot., datë 05.02.2021, shkresa nr. 58/4 prot., datë 08.04.2021, që kandidati në pozitën e kancelarit pranë kësaj Gjykate i ka drejtuar Arkivit Vendor Shtetëror Tiranë/Vendor të Qarkut Dibër, ASHK-së dega Tiranë dhe Këshillit të Lartë Gjyqësor (6 faqe);

28. Mbështetur në këto të dhëna të rezultateve në ushtrimin e detyrës, si dhe në tematikën e përmbajtjen e produkteve profesionale të lidhura me ushtrimin e detyrës apo edhe me ushtrimin e profesionit, Komiteti vlerëson se në aspektin sasior kandidati Albert Kazia ka tregues të lartë angazhimi profesional, i cili rezulton të jetë dukshëm përtej asaj që mund të gjykohet si një



angazhim i zakonshëm apo "mesatar" në ushtrimin e profesionit. Për këto arsye, Komiteti çmoi ta vlerësojë kandidatin Albert Kazia për këtë kriter ligjor vlerësimi me 5 (pesë) pikë.

**b. Vlerësim cilësor - (25) pikë**

29. Për sa i përket **vlerësimit cilësor**, Komiteti shqyrtoi të dhënat që rezultojnë nga jetëshkrimi dhe dokumentacioni i paraqitur nga vetë kandidati, veçanërisht pesë prej dokumenteve të përzgjedhura prej tij, me synimin për të evidentuar, bazuar në tregues shkencorë, elementë që dëshmojnë arritjen e rezultateve profesionale, shkallën e këtyre arritjeve, përfshirë elementë që nga këto dokumente profesionale dhe në tërësi nga veprimtaria profesionale e kandidatis dëshmojnë spikatjen dhe dallueshmërinë e tij në kuptimin dhe qëllimin për të cilin ligji e përcakton si kusht për vlerësimin e kandidaturës për këtë Komitet dhe, më tej, për përzgjedhjen e Inspektorit jomagjistrat.
30. Në veprimet përgatitore të kryera gjatë procedurave të verifikimit të kandidaturës, kandidati **Albert Kazia**, për qëllimet e procedurës së vlerësimit në kuadër të pikëzimit për "Kualifikimin e Përgjithshëm Profesional" dhe "Kualifikimin Shtesë Profesional", ka paraqitur **pesë dokumentet profesionale** si më poshtë:
- Shpjegime me shkrim datë 17.07.2018 që i përket procesit gjyqësor me palë kërkues: Gjykata e Rrethit Gjyqësor Dibër, Person i Tretë: P.XH, me objekt: Shtyrje të afatit të ekzekutimit të detyrimit, lidhur me titullin ekzekutiv vendimi civil i formës të prerë nr. 2552, datë 12.05.2015 të Gjykatës Administrative të Shkallës të Parë Tiranë, përgatitur nga kandidati në pozicionin e kancelarit pranë Gjykata e Rrethit Gjyqësor Dibër (12 faqe). Në këtë shkresë kandidati z. Albert Kazia në cilësinë e Kancelarit pranë Gjykatës të rrethit Gjyqësor Dibër, ka përgatitur në mënyrë shteruese në raport me rrethanat e faktit dhe të ligjit, arsyet për të cilat ai ka kërkuar shtyrje të afatit të ekzekutimit të detyrimit, lidhur me titullin ekzekutiv vendimi civil i formës të prerë nr. 2552, datë 12.05.2015 të Gjykatës Administrative të Shkallës të Parë Tiranë;
  - Kërkesë e Gjykatës së Rrethit Gjyqësor Dibër nr. 324/2, datë 18.09.2020, me objekt: Marrje mase të menjëhershme për vërtetimin e njohjes, njehsimit të diplomës nga Ministria e Arsimit dhe Shkencës, si dhe ndërprerje të pagesës për vlerën e pagës të diplomës (2 faqe). Në këtë shkresë kandidati z. Albert Kazia në cilësinë e Kancelarit pranë Gjykatës të rrethit Gjyqësor Dibër, bazuar në konkluzionet që kanë rezultuar nga Drejtoria e Auditimit të Brendshëm, lidhur me mungesën e njësimit të diplomës të një specialisti pranë administratës gjyqësore, i është drejtuar Degës të Buxhetit pranë Gjykatës si dhe specialistit Sh.N, që ka mungesë të dokumentacionit sikurse kërkohet në ligj, që të bëjë njësimin e diplomës pranë Ministrisë të Arsimit dhe Shkencës, me qëllim shmangien e çdo lloj dëmi të mundshëm ekonomik në



respektim të VKM nr. 524, datë 16.08.2012;

- Vendim nr. 3, datë 05.10.2020, i Zyrës së Kancelarit të Gjykatës së Rrethit Gjyqësor Dibër “Për caktim punonjësi përgjegjës, që do të merret me përditësimin e dokumentacionit të punonjësve në detyrë, që do të jepet statusi i nëpunësit civil gjyqësor” (2 faqe). Në këtë akt procedural nënligjor, kandidati z. Albert Kazia në cilësinë e Kancelarit pranë Gjykatës të rrethit Gjyqësor Dibër, ka caktuar znj. K.M në cilësinë e kryetarit të degës të Buxhetit pranë kësaj Gjykate si dhe punonjësit e tjerë që ushtrojnë veprimtari administrative pranë Kryesekretarisë dhe sekretarë gjyqësorë, që të marrin përmbushin të gjitha detyrat dhe masat e deleguara në këtë vendim, një akt administrativ ky që lidhte me aftësinë profesionale dhe organizative të kandidatit në pozicionin e Kancelarit;
  - Kthim përgjigje nr. 390/1 prot., datë 09.12.2020, drejtuar Këshillit të Lartë Gjyqësor lidhur me vlerësimin e hollësishëm të kushteve të sigurisë në gjykata dhe parashtrimin të nevojave të tyre 5 (faqe). Në këtë shkresë kandidati z. Albert Kazia në cilësinë e Kancelarit pranë Gjykatës të rrethit Gjyqësor Dibër, ka përgatitur shkresën kthim përgjigje drejtuar Këshillit të Lartë Gjyqësor lidhur me masat e sigurisë që janë ndërmarrë në rritjen e sistemit të sigurisë në ambientet e punës të Gjykatës të Rrethit Gjyqësor Dibër, si dhe evidenton një sërë problemesh të tjera të cilat duhet të marrin zgjidhje në lidhje me marrëdhëniet ndërinstucionale, që lidhen me sistemin e sigurisë të administrimit dhe përpunimit të dokumentacionit (akteve procedurale, sikurse janë Prokuroria pranë Gjykatës të rrethit Gjyqësor Dibër, Shërbimi Përmbarimor Shtetëror Dibër dhe Zyra e Arkivit Dibër);
  - Relacion shpjegues, përshpejtimin e procedurave për mënyrën kalimit të kapitalit dhe regjistrimit të një pjesë të ambienteve të Arkivit Vendor Shtetëror të Qarkut Dibër nga ky i fundit në pronësi të Gjykatës të Rrethit Gjyqësor Dibër (shkresa nr. 417/1 prot., datë 28.12.2020 shkresa nr. 58/1 prot., datë 05.02.2021shkresa nr. 58/4 prot., datë 08.04.2021, që kandidati në pozitë e kancelarit pranë kësaj Gjykate i ka drejtuar Arkivit Shtetëror Tiranë/Vendor të Qarkut Dibër, ASHK-së dega Tiranë dhe Këshillit të Lartë Gjyqësor (6 faqe). Në këtë shkresë kandidati z. Albert Kazia në cilësinë e Kancelarit pranë Gjykatës të rrethit Gjyqësor Dibër, në vijim të korrespondencës që ka pasur me Arkivin Shtetëror Tiranë/Vendor të Qarkut Dibër, ASHK-së dega Tiranë ka shpjeguar, përshpejtimin e procedurave për mënyrën kalimit të kapitalit dhe regjistrimit të një pjesë të ambienteve të Arkivit Vendor Shtetëror të Qarkut Dibër nga ky i fundit në pronësi të Gjykatës të Rrethit Gjyqësor Dibër;
31. Në lidhje me tërësinë e dokumenteve profesionale të paraqitura nga kandidati **Albert Kazia** dhe, në veçanti, lidhur me pesë dokumentet profesionale të sipërcituara, për realizimin e vlerësimit profesional dhe të pikëzimit përkatës për këtë kriter ligjor vlerësimi, Komiteti



shqyrtoi dhe bisedoi në mënyrë të posaçme dhe të kujdesshme përmbajtjen e tyre, duke u mbështetur mbi indikatorë shkencorë, sikurse janë orientime që përmbahen në Metodologjinë për vlerësimin dhe caktimin e pikëve për renditjen e kandidatëve për Inspektor .(shtojca nr.2).

32. Dokumentet trajtojnë tematika në fushën e së drejtës në të cilën ka operuar ndër vite kandidati, përfshi ato që kanë të bëjnë me mbrojtjen e ligjshmërisë së veprimtarisë administrative të organeve shtetërore, mënyrën e interpretimit dhe zbatimit të ligjit material e procedural në përmbushjen e detyrimeve të organit shtetëror si edhe të subjekteve dhe individëve në raport me të drejtat dhe detyrimet **përkundrejt organit shtetëror kompetent**. Në tërësi në të gjitha dokumentet që ka depozituar kandidati z. Albert Kazia, në kuadrin e vlerësimit profesional, spikata aftësia profesionale dhe organizative e kandidatit në pozicionin e Kancelarit, për të marrë masa me qëllim mbrojtjen e interesit publik, që lidhte me veprimtarinë funksionale të kësaj Gjykate, në kuadrin e maksimizimit të interesave ekonomike dhe atyre të sigurisë, sikurse janë ristrukturimi i ambienteve të punës, rritjes të sipërfaqes funksionale në formën e kapitalit me ambient të tjera shtesë, në kuadrin e fuqizimit të infrastrukturës administrative si dhe propozimet përkatëse për të cilat ai ka kërkuar mbështetje nga institucione të tjera shtetërore në kuadrin e bashkëpunimit ndërinstitucional.
33. Bazuar në të dhënat që rezultojnë nga jetëshkrimi dhe dokumentacioni i paraqitur nga vetë kandidati z. Albert Kazia, për sa më sipër si dhe intervista e zhvilluara me të nga ana e Komiteti i Emërimit dhe Vlerësimit të Inspektorëve, vlerësimi i këtyre të dhënave bëhet në pesë komponentë kryesorë që janë, origjinaliteti dhe/ose impakti i veprimtarisë profesionale të kandidatit, aftësitë analitike, aftësitë kërkimore, saktësia dhe precizioni, si dhe qartësia.

#### **b/1. Originalitet dhe/ose impakti - (6) pikë**

34. Njëri nga indikatorët vlerësues të dokumenteve profesional është vlerësues të dokumenteve profesional është **“Origjinaliteti dhe/ose impakti”**. Nisur nga profili profesional i kandidatit Albert Kazia, përmbajtja e dokumenteve të analizuar dhe dobisë së tyre nga profesionistë të fushës apo grupeve të interesit, Komiteti vëren se dokumentacioni i paraqitur ofron një panoramë të elementëve të një qasje profesionale origjinale në trajtimin e çështjeve ligjore, në kuadrin e ndërmarrjen e iniciativave publike në kuadrin e parimit të diskrecionalitetit me qëllim maksimizimin e interesave ekonomike dhe atyre të sigurisë të ambienteve të punës të Gjykatës të rrethit Gjyqësor Dibër, si dhe propozimet përkatëse për të cilat ai ka kërkuar mbështetje nga institucione të tjera shtetëror. Për rrjedhojë krahas disa elementëve të origjinalitetit në përmbushjen e detyrës për aq sa e lejon natyra e funksionit publik të ushtruar duke sjellë argumente në dobi të punës në praktikën gjyqësore si dhe mirëfunksionimin e administratës publike.



35. Për rrjedhojë pas shqyrtimit të dokumentacionit, në zërin "**Originaliteti dhe impakti**", Komiteti e vlerëson kandidatin me 5 (pesë) pikë.

**b/2. Aftësitë analitike - (6) pikë**

36. Për sa i përket treguesit vlerësues të lidhur me "**Aftësitë analitike**", Komiteti duke u përqendruar në aktet shkresore të depozituar në dosjen e kandidimit si dhe parashtrimet e bëra nga kandidati si funksionar i lartë i administratës gjyqësore (kryesisht në pozicionin e kancelarit) në intervistën e zhvilluar, arrin në konkluzioni se të dhënat tregojnë dhe dëshmojnë zotërimin e aftësisë profesionale të kandidatit për të arsyetuar dhe zbatuar konceptet ligjore në fushën e operimit.

37. Për rrjedhojë, pas shqyrtimit të analizës mbi dokumentacionin profesional të paraqitur, në lidhje me zërin "**Aftësitë analitike**", Komiteti vlerëson kandidatin me 5 (pesë) pikë.

**b/3. Aftësitë kërkimore - (4) pikë**

38. Në lidhje me treguesin "**Aftësitë kërkimore**", Komiteti shqyrtoi dokumentacionin profesional të paraqitur nga kandidati.

39. Pas shqyrtimit të dokumentacionit në lidhje me treguesin "**Aftësitë kërkimore**", konstatoi elaburim të qartë dhe të plotë të çështjeve të trajtuara në raport me kuadrin ligjor që ai i është referuar dhe ka zbatuara në veprimtarinë e vetë funksionale, ndaj dhe për këtë arsye Komiteti e vlerëson kandidatin me 3 (tre) pikë.

**b/4. Saktësia dhe precizioni - (5) pikë**

40. Referuar kriterit "**Saktësia dhe precizioni**", në thelb verifikohet nëse në veprimtarinë e tyre profesionale, kandidatët kanë mbuluar me profesionalizëm tematikën e përzgjedhur duke shmangur përsëritjet në material. Nga shqyrtimi i dokumentacionit të paraqitur nga kandidati, për aq sa është e mundur nga lloji i dokumentacionit, Komiteti vëren nivel të mjaftueshëm të përcaktimit të tematikës dhe problemeve juridike.

41. Pas shqyrtimit të dokumentacionit në lidhje me treguesin "**Saktësia dhe precizioni**", Komiteti e vlerëson kandidatin me 4 (katër) pikë.

**b/5. Qartësia - (4) pikë**



42. Referuar kriterit “**Qartësia**”, në thelb verifikohet nëse në veprimtarinë e tyre profesionale, kandidatët e kanë strukturuar tematikën dhe problemin duke qartësuar gjuhën dhe duke përdorur në mënyrë të kënaqshme terminologjinë profesionale. Në rastin konkret, nga shqyrtimi i dokumentacionit të paraqitur nga kandidati, për aq sa është e mundur nga lloji i dokumentacionit, Komiteti vëren nivel të kuptueshëm të parashtrimeve.
43. Pas shqyrtimit të dokumentacionit në lidhje me treguesin “**Qartësia**”, Komiteti e vlerëson kandidatin me **3 (tre) pikë**.
44. Pas shqyrtimit të dokumentacionit, që përbëjnë **vlerësimin cilësor** të kandidatit, Komiteti vendosi të vlerësojë kandidatin me **20 (njëzetë) pikë**.

### **C. Kualifikim shtesë profesional - (10) pikë**

#### **a. Përvoja dhe cilësia profesionale e posaçme për rolin dhe funksionet e inspektorit pranë ILD-së - (7) pikë**

45. Rezultatet profesionale në lidhje me këtë kriter vlerësimi, shqyrtohen nga Komiteti për të vlerësuar veçanërisht rëndësinë dhe dobinë e profilizimit dhe specializimit të arritur në përvojat e veçanta profesionale të kandidatit të cilat tregojnë vlera të spikatura profesionale në shërbim të drejtimit, organizimit dhe funksionimit të inspektorit në Zyrën e Inspektorit të Lartë të Drejtësisë, si edhe të ushtrimit të kompetencave të këtij institucioni, përfshirë këtu vlerësimin e njohurive të posaçme profesionale në lidhje me ushtrimin e kompetencave të kontrollit, inspektimeve, hetimeve disiplinore si edhe kompetencave të tjera që përcaktohen nga ligji.
46. Prandaj, në zbatim të ligjit, në varësi edhe të profileve dhe karrierave profesionale të secilit kandidat, nga totali prej 10 pikësh për këtë kategori vlerësimi, Komiteti, vlerëson deri në 7 pikë ekspertizën në fushat e së drejtës dhe posaçërisht në çështjet e drejtimit, organizimit dhe funksionimit të Inspektorit të Lartë të Drejtësisë si dhe ushtrimit të kompetencave me natyrë kontrolli, inspektimi, hetimi disiplinor si edhe kompetencave të tjera që përcaktohen nga ligji. Gjithashtu, Komiteti vlerëson deri në 3 pikë angazhimet profesionale shtesë të kandidatëve. Në arsyetimin dhe përfundimet e tij Komiteti mban parasysh rregullat e hollësishme të përcaktuara urdhrin nr. 7 (si më sipër) të Inspektorit të Lartë të Drejtësisë, si edhe orientimet në përcaktimin e pikëve përkatëse të merituar sipas metodologjisë për vlerësimin dhe caktimin e pikëve për renditjen e kandidatëve.
47. Si një përvojë e spikatur për një periudhe mbi dymbëdhjetë vjeçare është ushtrimi i detyrave profesionale të Kancelarit pranë Gjykatës të Rrethit Gjyqësor Dibër, veprimtari kjo e cila është e lidhur ngushtësisht me atë gjyqësore në kuadrin e përgatitjes të dosjeve për gjykim, rritjes të



cilësisë të shërbimeve që ofron Gjykata, mënyrës të rekrutimit dhe profesionalizmit të punonjësve të sekretarisë gjyqësore, përgatisje të njoftimeve në lidhje me aktet procedurale, etj, elementë këto që janë të lidhura ngushtësisht me efektivitetin e dhënies të shërbimeve gjyqësore ndaj subjekteve të së drejtës. Gjithashtu, mirëfunksionimi i një veprimtarie të tillë është pjesë edhe inspektiveve tematike dhe institucionale që ndërmerr ILD, në zbatim të dispozitave urdhëruese të ligjit nr.96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar dhe ligjin nr. 115/2016 “Për organet qeverisjes të drejtësisë”, i ndryshuar. Lidhur me aktivitetin administrativ që ka të bëjë me mirëfunksionimin e ambienteve dhe shërbimeve ndaj qytetarëve në Gjykatën e Rrethit Gjyqësor Dibër, si dhe komunikimin institucional me ILD-në, kandidati z. Albert Kazia ka depozituar disa akte shkresore si më poshtë:

48. Kthim përgjigje nr.402/1 prot., datë 05.10.2021, që kandidati në pozitën e kancelarit pranë Gjykatës të Rrethit Gjyqësor Dibër i ka kthyer ILD-së në lidhje me informacionin e kërkuar me shkresën nr. 3116/4 prot., datë 28.09.2021, lidhur me një ankesë në proces verifikimi (4 faqe). Në këtë shkresë kandidati z. Albert Kazia në cilësinë e Kancelarit pranë Gjykatës të Rrethit Gjyqësor Dibër, ka përgatitur në mënyrë shteruese të gjithë informacione e kërkuar nga ana e ILD-së, në lidhje me informacionin e kërkuar me shkresën nr. 3116/4 prot., datë 28.09.2021, në kuadrin e një ankesë në proces verifikimi.
49. Relacion shpjegues nr. 417/1 prot., datë 28.12.2020, në lidhje me kërkesën për kalim kapitali të një pjese të ambienteve të Arkivit Vendor Shtetëror të Qarkut Dibër nga ky i fundit në pronësi të Gjykatës të Rrethit Gjyqësor Dibër, që kandidati në pozitën e kancelarit pranë kësaj gjykate i ka kthyer Drejtorit të Përgjithshëm të Arkivave të Republikës të Shqipërisë dhe Këshillit të Lartë Gjyqësor (2 faqe). Në këtë Relacion shpjegues z. Albert Kazia në cilësinë e Kancelarit pranë Gjykatës të Rrethit Gjyqësor Dibër, ka dhënë shpjegime të hollësishme në lidhje me mënyrën e kalimit në formë kapitali të një pjese të ambienteve të Arkivit Vendor Shtetëror të Qarkut Dibër nga ky i fundit në pronësi të Gjykatës të Rrethit Gjyqësor Dibër, duke analizuar investimet që duhet të kryhen në kuadrin e ristrukturimit si dhe përfitimet që kanë të dy institucionet shtetërore.
50. Kërkesë për të dhëna dhe dokumentacion nr. 58/1 prot., datë 05.02.2021, që kandidati në pozitën e kancelarit pranë kësaj Gjykate i ka kthyer Drejtorit të Përgjithshëm të Arkivave të Republikës të Shqipërisë, Arkivit Shtetëror Vendor Dibër, Degës të ASHK-së Dibër dhe Këshillit të Lartë Gjyqësor (2 faqe). Në këtë shkresë kandidati z. Albert Kazia në cilësinë e Kancelarit pranë Gjykatës të Rrethit Gjyqësor Dibër, në vijim të korrespondencës që ka pasur me Drejtorin e Përgjithshëm të Arkivave të Republikës të Shqipërisë dhe Këshillit të Lartë Gjyqësor ka shpjeguar mënyrën e kalimit të kapitalit dhe regjistrimit të një pjese të ambienteve të Arkivit Vendor Shtetëror të Qarkut Dibër nga ky i fundit në pronësi të Gjykatës



të Rrethit Gjyqësor Dibër, nëpërmjet Degës të ASHK-së Dibër duke analizuar procedurën që do të ndiqet dhe përfitimet që kanë të dy institucionet shtetërore.

51. Lidhur me këtë kriter, Komiteti pasi shqyrtoi dokumentet profesionale të depozituara në dosjen e kandidimit dhe të analizuar më sipër lidhur me rëndësinë që ato mbartin, të dhënat e jetëshkrimit, si dhe intervistën e zhvilluar dhe motivimin për kandidim, Komiteti i emërimit dhe Vlerësimit të Inspektorëve për kriterin e "Përvojës dhe cilësisë profesionale që a ka ushtruar në raport me rolin dhe funksionet e inspektorit pranë ILD-së", e vlerëson kandidatin z. Albert Kazia me **5 (pesë) pikë**.

**b. Angazhime profesionale shtesë - (3) pikë**

52. Nga aktet e dosjes dhe nga vetëdeklarimet e kandidatit Albert Kazia, rezulton se ka paraqitur angazhime shtesë profesionale, sikurse është zotërimi i licencës të ushtrimit të profesionit të avokatit.

**53. Periudha: viti 2011**

Lloji i titullit/ fusha profesionale : Leje ushtrimi profesioni të "Avokatit", licencë nr. 4511  
Emri dhe lloji i institucionit që ka dhënë titullin : Dhoma Kombëtare e Avokatisë së Shqipërisë.  
Adresa dhe kontaktet e institucionit : Rruga "Murat Toptani", Qendra e Biznesit, "Eurocol",  
Tirana, Shqipëri, Nr. tel. 04 2 251876, e-mail: [info@dhka.org.al](mailto:info@dhka.org.al)

54. Për këtë arsye Komiteti i Emërimit dhe Vlerësimit të Inspektorëve për kriterin vlerësues të "Angazhimeve profesionale shtesë", e vlerëson kandidatin z. Albert Kazia me **1 (një) pikë**.

55. Në përfundim të shqyrtimit të dokumentacionit dhe kriterëve në kategorinë merita profesionale dhe kualifikim shtesë profesional, kandidati vlerësohet të total nga Komiteti me **6 (gjashtë) pikë**.

**2. MERITA MORALE, ORGANIZATIVE, DREJTUESE DHE MENAXHERIALE - (50) pikë**

**2/1. Merita morale - (25) pikë**

56. Si kriter vlerësimi është përcaktuar që kandidatët të jenë vlerësuar për integritet të lartë moral dhe profesional. Konkretisht përcaktohen si kriter vlerësimi edhe "Reputacioni që gëzon kandidati në shoqëri dhe midis kolegeve" dhe "cilësi morale të tilla si: Ndershmëria, përpikëria,





drejtësia në marrjen e vendimeve dhe ushtrimin e detyrave", si edhe "angazhimi i provuar në ndjekje të kauzave të shoqërisë civile".

57. Prandaj, në zbatim të ligjit, lidhur me meritat morale, nga totali prej 25 pikësh për të tre komponentët vlerësues, Komiteti vlerëson deri në 15 pikë integritetin etik dhe moral, deri në 8 pikë reputacionin që gëzon kandidati në shoqëri dhe midis kolegëve dhe deri në 2 pikë angazhimin e provuar në ndjekje të kauzave të shoqërisë civile.
58. Në rastin e kandidatit, krahas jetëshkrimit, paraqitjes dhe sjelljes parashtrimeve në intervistë, motivimit për kandidim dhe historikut të komunikimit të kandidatit me Komitetin gjatë procesit të verifikimit dhe vlerësimit të kandidaturës. Komiteti shqyrtoi të dhënat nga dokumentet profesionale, aktet e tjera zyrtare të administruara në dosjen e kandidatit si edhe çdo të dhënë a dokument tjetër të aksesueshem publikisht nëpërmjet të cilave mund të nxirreshin elementë të dobishëm për qëllimet e verifikimit dhe vlerësimit të meritave morale të këtij kandidati.

**a. Integriteti etik e moral - (15) pikë**

59. Për sa i përket kriterit të parë vlerësues, integritetit etik e moral, nisur nga të dhënat që rezultojnë nga jetëshkrimi, motivimi për kandidim, intervista, komunikimi i kandidatit me Komitetin gjatë procedurave të verifikimit dhe vlerësimit, si edhe nga dokumente të tjera zyrtare apo të aksesueshme publikisht, Komitetit i rezulton se kandidati në veprimtarinë, sjelljen dhe komunikimin e tij, tregon përkushtim dhe angazhim të ndërgjegjshëm në përmbushjen e detyrave profesionale dhe në ushtrimin e profesionit, si edhe vëmendje, ndjeshmëri dhe respekt në komunikim e bisedë, duke parashtruar argumentet e tij me kompetence, dinjitet, duke dëgjuar dhe përgjigjur me kujdesin e duhur, me durim e vetëpërbajtje përkundrejt qëndrimeve dhe pyetjet të cilat i drejtohen nga bashkëbiseduesit.
60. Nga të dhënat e mundshme në dispozicion, Komitetit nuk i rezulton që kandidati të ushtrojë apo të ketë ushtruar funksionet e tij profesionale duke favorizuar palë të caktuara apo duke kërkuar përfitime për veten apo për të tjerët. Nuk rezultojnë të dhëna që ky kandidat të mos ketë respektuar detyrimin profesional të nderit dhe të dinjitetit, të ndërtimit të marrëdhënieve profesionale dhe mirësjelljes në raport me kolegët, profesionistët e fushës, palët e përfshira në çështje pune etj. Pra nuk ka të dhëna që me sjelljen dhe veprimtarinë e tij në jetën profesionale dhe personale të ketë cenuar apo të rrezikojë të cenojë imazhin dhe figurën publike të nëpunësit shtetëror dhe sistemit të drejtësisë.
61. Për sa i takon këtij kriteri të vlerësimit, kandidati z. Albert Kazai në intervistën e zhvilluar para Komitetit të Emërimit dhe Vlerësimit të Inspektorëve, deklaroi se në vitin 2010 janë

ndërprerë marrëdhëniet e punës si Kancelar pranë Gjykatës të rrethit Gjyqësor Dibër me urdhër të Ministrit të Drejtësisë, të cilin ai e ka kundërshtuar në gjykatë. Për sa i takon këtij fakti, rezulton se me vendimin gjyqësor nr. 5061, datë 13.06.2011, të Gjykatës të Rrethit Gjyqësor Tiranë është shfuqizuar urdhri nr. 3650, datë 20.04.2010, i Ministrit të Drejtësisë për shkarkimin nga puna si kancelar në Gjykatën e Rrethit Gjyqësor Dibër si dhe dhënien e dëmshpërblimit financiar në favor të tij. Vendimi nr. 5061, datë 13.06.2011 të Gjykatës të Rrethit Gjyqësor Tiranë është lënë në fuqi me vendimin nr. 1188, datë 16.05.2012, i Gjykatës së Apelit Tiranë si dhe nuk është pranuar Rekursi i paraqitur nga i padituri Ministria e Drejtësisë me vendimin nr. nr. 00-2015-100, datë 22.01.2015 të Gjykatës të Lartë, çka tregon që kandidati është rehabilituar dhe zhdëmtuar konform nenit 44 të Kushtetutës.

62. Prandaj, në lidhje me kriterin vlerësues të "*integritetit etik e moral*", Komiteti e vlerëson kandidatin me **14 (katërbëdhjetë) pikë**.

#### **b. Reputacioni në shoqëri dhe midis kolegëve - (8) pikë**

63. Për sa i përket kriterit të dytë vlerësues të reputacionit që gëzon kandidati në shoqëri dhe midis kolegëve", nisur nga të dhënat që rezultojnë nga jetëshkrimi, motivimi për kandidim. Intervista, komunikimi i kandidatit me Komitetin gjatë procedurave të verifikimit dhe vlerësimit, si edhe nga dokumente të tjera zyrtare apo të aksesueshme publikisht, Komiteti i rezulton se, kandidati me veprimtarinë dhe sjelljen në shoqëri, tregon angazhim dhe përkushtim në përmbushjen e detyrave për zbatimin e drejtë të ligjit në ushtrimin e kompetencave që i ngarkon ligji.

64. Në lidhje me vlerësimin e punës dhe reputacionin që kandidati z. Albert Kazia gëzon, rezulton se pranë Zyrës së Inspektorit të Lartë të Drejtësisë, kandidati ka dorëzuar vërtetime nga Sekretari i Përgjithshëm i KLGJ-së, sikurse edhe nga zëvendëskryetari i Gjykatës të Rrethit Gjyqësor Dibër, që nuk ka marrë asnjë masë disiplinore në ngarkim të tij, se nuk ka asnjë procedim penal të nisur ndaj tij, akte këto që nxjerrin në pah cilësitë e tij etiko-profesionale lidhur me përmbushjen e detyrave si kancelar në Gjykatën e Rrethit Gjyqësor Dibër.

65. Prandaj, duke konstatuar se me sjelljen dhe veprimtarinë e tij përmbush të gjitha pritshmëritë e aspektit moral për marrjen e përgjegjësisë ligjore dhe institucionale, si edhe pritshmërinë e publikut për gëzimin e cilësive profesionale e morale për ushtrimin e detyrës së Inspektorit të Lartë të Drejtësisë, në lidhje me kriterin vlerësues "të reputacionit që gëzon kandidati në shoqëri dhe midis kolegëve", Komiteti e vlerëson kandidatin me **7 (shtatë) pikë**.

#### **c. Angazhimi i provuar në ndjekje të kauzave të shoqërisë civile - (2) pikë**



66. Për sa i përket kriterit të vlerësimit që lidhet me angazhimin në ndjekje të kauzave të shoqërisë civile, nisur nga të dhënat që rezultojnë nga jetëshkrimi, motivimi për kandidim, intervista, komunikimi i kandidatit me Komitetin gjatë procedurave të verifikimit dhe vlerësimit, si edhe nga dokumente të tjera zyrtare apo të aksesueshme publikisht, Komitetit i rezulton se, përgjithësisht, kandidati nuk ka qenë i angazhuar në veprimtari të tjera të përshtatshme jashtë atyre të lidhura me ushtrimin e detyrës ose të profesionit për ndjekje të kauzave të shoqërisë civile. Kandidati z. Albert Kazia nuk ka ndjekur ndonjë aktivitet publik jashtë marrëdhënieve të punës, por ndërkohë i gjithë aktiviteti i tij i gjerë dhe ndërinstitucional si Kancelar pranë Gjykatës të Rrethit Gjyqësor Dibër, ka kontribuar në rritjen e cilësisë të shërbimeve administrative dhe gjyqësore ndaj publikut.

67. Prandaj, në lidhje me kriterin vlerësues të **“Angazhimi i provuar në ndjekje të kauzave të shoqërisë civile”**, Komiteti e vlerëson kandidatin me **0 (zero) pikë.**

68. Në përfundim të shqyrtimit të dokumentacionit dhe kriterëve në kategorinë e meritave morale, rezulton se kandidati vlerësohet të total nga Komiteti me **21 (njëzetnjë) pikë.**

## **2/2. Meritat organizative, drejtuese dhe menaxheriale - (25) pikë**

69. Ky komponent zërthehet në disa nën komponentë të tjerë, konkretisht:

- a) cilësinë e platformës dhe të vizionit që paraqesin;
- b) aftësitë e provuara për të marrë vendime dhe përgjegjësi bazuar në përvojat e mëparshme profesionale dhe shoqërore;
- c) aftësitë e komunikimit;
- d) aftësitë e të punuarit në grup dhe në ambiente multidisiplinore ose multikulturore;
- dh) aftësitë e përfaqësimit publik."

70. Në bazë dhe për zbatim të ligjit, lidhur me këto kritere vlerësimi, Inspektori i Lartë i Drejtësisë ka miratuar urdhrin nr. 7, datë 04.03.2020, të Inspektorit të Lartë të Drejtësisë, “Për miratimin e Rregullores “Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë” ku përcaktohen rregullime me të hollësishme si edhe shpërndarja e pikëve të vlerësimit sipas peshës specifike të këtyre kriterëve.

71. Prandaj, në zbatim të ligjit, lidhur me meritat organizative, drejtuese dhe menaxheriale, nga totali prej 25 pikësh për të pesë komponentët vlerësues të sipërcituar, Komiteti vlerëson deri në 8 pikë cilësinë e platformës dhe vizionin që paraqesin kandidatët, deri në 10 pikë aftësitë e provuara për të marrë vendime dhe përgjegjësi bazuar në përvojat e mëparshme profesionale



dhe shoqërore, deri në 5 pikë aftësisë e komunikimit dhe aftësitë e përfaqësimit publik, si edhe me 2 pikë për aftësitë e të punuarit në grup dhe ambiente multidisiplinore.

72. Në arsyetimin dhe përfundimet e tij, Komiteti mban parasysht rregullat e hollësishme të përcaktuara me urdhrin nr. 7, datë 04.03.2020, të Inspektorit të Lartë të Drejtësisë, "Për miratimin e rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë", Shtojcën nr. 2 të tij, si edhe orientimet në përcaktimin e pikëve përkatëse të merituar sipas metodologjisë për vlerësimin dhe caktimin e pikëve për renditjen e kandidateve për inspektor.
73. Komiteti shqyrtoi përmbajtjen e dokumentit me shkrim, platformës dhe arsyt apo motivet e kandidimit dhe vizionit të kandidatit lidhur me qasjen dhe qëndrimet e tij mbi rëndësinë dhe aspektet thelbësore të ushtrimit të detyrës së inspektorit, mbi sfidat kryesore me të cilat duhet të përballet Inspektori i Lartë i Drejtësisë në ushtrimin e përgjegjësisë dhe kompetencave që i ngarkon Kushtetuta dhe ligji, si edhe lidhur me mendimet e kandidatit për çështjet që duhet të trajtohen me përparësi e në perspektivë për mirë organizimin dhe mirëfunksionimin e këtij institucioni të ri dhe shumë të rëndësishëm kushtetues, për ushtrimin efektiv dhe me nivel të lartë profesional e besueshmërie të kompetencave të tij në funksion të ndërtimit të një sistemi drejtësie të bazuar në integritetin profesional e moral, nisur edhe nga pritshmëritë e jashtëzakonshme të publikut pas miratimit dhe vënies në zbatim të reformës në drejtësi. Gjithashtu, në vlerësimin e këtij kriteri, Komiteti mban parasysht edhe parashtrimet dhe shpjegimet e dhëna nga ky kandidat gjatë intervistës dhe në përgjigje të pyetjeve që iu drejtuan nga anëtarët e Komitetit.

#### **a. Cilësinë e platformës dhe të vizionit që paraqet kandidati - (8) pikë**

74. Nisur nga dokumenti me shkrim dhe shpjegimet e paraqitura gjatë intervistës, Komiteti vëren se kandidati paraqiti një nivel mbi mester të njohjes dhe përvojës profesionale së tij në lidhje me rolin dhe pritshmëritë për ushtrimin e funksionit të inspektorit jomagjistrat pranë Zyrës së Inspektorit të Lartë të Drejtësisë, për sa i përket sfidave me të cilat do të përballet institucioni, objektivat për çështjet e organizimit dhe funksionimit cilësor dhe efektiv të institucionit kushtetues të Inspektorit të Lartë të Drejtësisë duke vënë theksin të pavarësia e tij, respektimi i procesit të rregullt ligjor, zhvillimi i marrëdhënieve me publikun. Bazuar në dokumentacionin e dorëzuar si dhe intervista e zhvilluar, Komiteti i Emërimit dhe Vlerësimit të Inspektorëve, konstaton se kandidati z. Albert Kazia ka një projektion të qartë në lidhje me rolin dhe veprimtarinë që përmbush Inspektori i Lartë i Drejtësisë si dhe kontributin dhe detyrat që lidhen me veprimtarinë përditshme të inspektorëve, si një nga strukturat kyçe të vetë institucionit në përmbushjen e detyrimeve kushtetuese dhe ligjore.

75. Prandaj, në lidhje me kriterin vlerësues "Cilësia e platformës dhe vizionit të paraqitur" nga kandidati, Komiteti e vlerëson kandidatin me **6 (gjashtë) pikë.**

**b. Aftësitë e provuara për të marrë vendime dhe përgjegjësi, bazuar në përvojat e mëparshme profesionale shoqërore - (10) pikë**

76. Lidhur me aftësitë e provuara për të marrë vendime dhe përgjegjësi, Komiteti mbështetet pikësisht në të dhënat që lidhen me përvoja konkrete nga karriera e kandidatëve në funksione dhe pozicione të cilat kërkojnë dhe tregojnë marrjen përsipër të përgjegjësi dhe ushtrimin e vendimmarrjes në përmbushjen e kompetencave dhe të detyrave të ngarkuara, veçanërisht për aspektet e drejtimit dhe të administrimit të punëve. Në këtë drejtim, Komiteti shqyrton dhe vlerëson posaçërisht aftësitë e provuara të kandidatit, përmes akteve shkresore të paraqitura prej tij, ku evidentohet qartë aftësia organizative dhe vendimmarrëse në pozicionin si Kancelar pranë Gjykatës të rrethit Gjyqësor Dibër, ku janë marrë masa organizative, janë ngritur problematika dhe është ofruar zgjidhja përkatëse, çka tregon aftësinë për të marrë vendimet e duhura në kohën e duhur, sipas përcaktimeve të ligjit dhe në përgjigje të ndjeshmërisë së publikut.

77. Në rastin e kandidatit, krahas jetëshkrimit, parashtrimeve dhe bisedës në intervistë, përmbajtjes së platformës dhe motivimit për kandidim, Komiteti shqyrtoi të dhënat nga dokumentet profesionale, si edhe aktet e tjera zyrtare të administruara në dosjen e kandidatit, për të evidentuar të dhëna në lidhje me aftësitë e provuara apo premtuese të këtij kandidati për të marrë vendime dhe përgjegjësi edhe në ushtrimin e funksionit të inspektorit në Zyrën e Inspektorit të Lartë të Drejtësisë.

78. Prandaj në lidhje me kriterin vlerësues "aftësitë e provuara për të marrë vendime dhe përgjegjësi bazuar në përvojat e mëparshme profesionale dhe shoqërore", Komiteti e vlerëson kandidatin me **8 (tetë) pikë.**

**c. Aftësitë e komunikimit dhe aftësitë e përfaqësimit publik - (5) pikë**

79. Aftësitë e komunikimit, në të gjitha format, veçanërisht me nëpunësit dhe punonjësit e Zyrës së Inspektorit të Lartë të Drejtësisë, me organet e tjera të qeverisjes së sistemit të drejtësisë dhe përfaqësuesit e tyre, me gjyqtarët dhe prokurorët, sikurse edhe në komunikimin dhe përfaqësimin publik e me të tretët, të shprehurit në mënyrë të qartë, lehtësisht të kuptueshme, të matur, me respekt dhe në mënyrë jodiskriminuese, luajnë një rol të rëndësishëm në kryerjen e funksionit kushtetues të Inspektorit të Lartë të Drejtësisë.



80. Nga shqyrtimi i jetëshkrimit, mënyra dhe stili i parashtrimeve me shkrim të platformës, sjellja, mënyra e komunikimit dhe argumentimit gjatë bisedës në intervistë, si edhe nga përmbajtja, strukturimi dhe stili i hartimit të dokumenteve profesionale të administruara në dosjen e kandidatit, Komiteti vëren se kandidati zotëron aftësi të mjaftueshme/ aftësi komunikimi si rrjedhshmëria/konfidenca/ për të komunikuar me maturi, përgjigje koncize dhe nuk lë vend për paqartësi, për të dëgjuar me respekt dhe për t'u përgjigjur me profesionalizëm, qartësi e thjeshtësi, me stil dhe gjuhë të pasur në lidhje me të gjitha çështjet dhe problematikat që vlerëson të trajtohen, ashtu edhe për çështje dhe problematika që ngrihen nga të tjerët.
81. Gjithashtu referuar prezantimit të bërë gjatë intervistës, rezulton se ky kandidat zotëron edhe aftësi të mira për përfaqësimin publik, prezanton thjeshtësi, aftësi për të shprehur bindjet e tij me vetëbesim. Kandidati transmeton besueshmëri gjatë komunikimit dhe aftësi për t'u përgjigjur me etikë.
82. Prandaj, në lidhje me kriterin vlerësues të "Aftësitë e komunikimit dhe aftësitë e përfaqësimit publik", Komiteti e vlerëson kandidatin **4 (katër) pikë**.

**d. Aftësitë e të punuarit në grup dhe në ambiente multidisiplinore ose multikulturale - (2) pikë**

83. Inspektori për vetë natyrën e këtij institucioni dhe funksioni, duhet të zotërojë aftësitë e duhura për një qasje metodike ndaj punës, si dhe aftësinë për të organizuar dhe për të qenë i përfshirë në punën në grup, me nëpunësit dhe punonjës të Zyrës dhe për aq sa kërkohet dhe nevojitet me funksionarë e përfaqësues të institucioneve të tjera dhe Inspektorin e Lartë të Drejtësisë. Pjesë e kësaj aftësie është edhe nevoja për t'u përshtatur shpejt me zhvillimet e reja, si edhe ndaj nevojës për t'u përfshirë në veprimtari në ambiente multikulturale dhe multidisiplinore gjatë karrierës gjyqësore.
84. Nga shqyrtimi i jetëshkrimit, sjellja, mënyra e komunikimit dhe argumentimit gjatë bisedës në intervistë, si edhe nga dokumentet profesionale të administruara në dosjen e kandidatit, Komiteti vëren se kandidati zotëron aftësitë e duhura për të punuar në grup, përfshirë atë për të punuar në ambiente multikulturale dhe multidisiplinore. Si një kriter të veçantë në lidhje me punën në grup, Komiteti i Emërimit dhe Vlerësimit të Inspektorëve, mban parasysh eksperiencën e gjatë organizative dhe drejtuese që ai ka patur në një nga strukturat më të rëndësishme të veprimtarisë të Gjykatës, ku nga informacioni zyrtar i marrë nga Ministria e Drejtësisë dhe KLGJ, nuk janë konstatuar ankesa apo problematika nga ana e punonjësve të Gjykatës të Rrethit Gjyqësor Dibër, ku ai ka ushtruar në pjesën më të madhe të karrierës të tij profesionale funksionin si Kancelar.



85. Prandaj, në lidhje me kriterin vlerësues “Aftësitë e të punuarit në grup dhe në ambiente multidisiplinore ose multikulturore”, Komiteti vlerëson t’i caktojë kandidatit 2 (dy) pikë.

86. Në përfundim të shqyrtimit të dokumentacionit dhe kriterëve në kategorinë e meritave organizative, drejtuese dhe menaxheriale, kandidati vlerësohet të total nga Komiteti me 20 (njëzetë) pikë.

### III - Vlerësimi përfundimtar i kandidatit

87. Në përfundim të arsytimit mbi mënyrën dhe shkallën e vlerësimit për të gjitha kriteret ligjore të parashikuara nga ligji dhe të pikëzimit përkatës të treguar me sipër në këtë vendim, në funksion të procedurave ligjore të përzgjedhjes së Inspektorit jomagjistrat dhe për efekt të renditjes së kandidatëve për këtë vend vakant, Komitetit të Emërimit dhe Vlerësimit të Inspektorëve i rezulton se kandidati Albert Kazia vlerësohet në total me 74 (shtatëdhjetekatër) pikë.

### PËR KËTO ARSYE:

Në mbështetje të nenit 209 dhe nenit 211, pika 2, të ligjit nr. 115/2016 “Për organet e qeverisjes së sistemit të drejtësisë”, të ndryshuar, të vendimit nr. 536, datë 25.07.2019, të Këshillit të Ministrave “Për krijimin e kushteve për Inspektorin e Lartë të Drejtësisë për verifikimin e plotësisë të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit”, urdhrin nr. 7, datë 04.03.2020, të Inspektorit të Lartë të Drejtësisë, “Për miratimin e rregullores “Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë”, Komiteti i Emërimit dhe Vlerësimit të Inspektorëve:

### VENDOSI:

1. Vlerësimin e kandidatit Albert Kazia, me 74 (shtatëdhjetekatër) pikë, në lidhje me kandidimin e tij për vendin vakant inspektor jomagjistrat, të shpallur nga Inspektori i Lartë i Drejtësisë në datën 30.09.2021.

2. Ky vendim i njoftohet kandidatit Albert Kazia.

3. Ky vendim publikohet në faqen zyrtare të Inspektorit të Lartë të Drejtësisë, në pjesën e përcaktuar për “Rekrutim Inspektor Jo magjistrat”.



**KOMITETI I EMËRIMIT DHE VLERËSIMIT TË INSPEKTORËVE**

**ANËTAR**

**Julian Zonja**

**KRYETAR**

**Besnik Maho**

**ANËTAR**

**Joana Asimi**

